



Minggu, 19 November 2023
Ogen: Ulangan 23: 12-14



Jagalah Kebersihan



Nande lenthik sekalak si rusur ngikuti kegiatan gereja, bas tep-tep kegiatan ia rusur nggit si aktifna. Situhuna ia bujur ras mehuli jelmana, mekacar ras cukup mperdiateken penampilen, ngena nge ate kalak kerina natap-natap ia. Tapi sada paksa nd Lenthik ras kerina isi jabuna kena pinakit diare ras gatel-gatel. Perban lalap langa terakap bas puskesmas kuta, ibaba me ia kerina ku rumah sakit tergalangen, dinging ilakoken cek dareh. Kepeken kenca iperiksa dareh ndai, kerina ia positif kena bakteri e-coli. Iterangkan dokter man bana maka kemungkinan penularena terjadi I rumah, ntah mungkin kamar mandi si kurang bersih ras septik tank si ndehersa kempak sumber lau man inemen. Megi-megi penjelasan dokter ndai, turah penggejapen Nd Lenthik kepeken kurang memang ia selama enda mperdiateken kebersihen kamar mandi.

Senina moria si melias, kebersihan sebagian dari iman, pepatah enda nggo rusur si begi. Uga maka lit pepatah bage, perban kepeken kiniteken si tahu-tuhu turah pasti erbuah ibas kegeluhen si tep-tep wari. Penandaita man Tuhan, erbahanca sieteh maka rencana Tuhan nepa kita ku doni enda ras mperlengkapi kita alu kepentaren gelah sikap sipekena-kena doni enda. Termasuk soal pribadi teridah min maka memang si jaga geluhta tetap badia. Badia ertina bersih. Bas perkadeta arus bersih, sebab bersih e sehat, adi sehat kita ergegeh adi ergegeh kita banci kita menang naluken perbeben geluh e. Tuhan ngataken man bangsa Israel guna njaga kebadian rumah pertoton alu mpesikap ingan kuture (toilet) I darat kemah perjumpa e, dinging uga arusna adi kita kuture, gelah tetap bersih ras mehuli lingkungan kemah pertoton e. Bersih e metanggung akap Tuhan. Arah kebersihan Tuhan ngampang-ngampangi kita arah musuh si setiap saat siap sedia nemani kita mpedauh si la mehuli bas kegeluhenta nari. Emaka mari tetap si jaga kebersihenta, rumahta, khusus toilet rumahta ibas wari toilet se dunia enda.